

Faamaloloina e Mama'i



Na aoao mai Elder Dallin H. Oaks o le Korama a Aposetolo e Toasefululua, le taua ona manaomia o le faatuatua mo vavega ina ia tutupu:

“O le faatuatua e alagatau mo le faamaloloina e ala i mana mai le lagi. O loo aoao mai foi le Tusi a Mamona e faapea 'afai e leai se faatuatua i le fanauga a tagata, e le mafai e le Atua ona faia se vavega ia te i latou' (Eteru 12:12) [tagai foi i le 1 Nifae 7:12; MF&F 35:9]. I se saunoaga e uiga i le faamaloloina o mai, na saunoa ai Peresitene Spencer W. Kimball: O le manaomia ona i ai o le faatuatua e tele lava ina manatu faatauavaa i ai. E foliga mai ua masani ona faalagolago le tagata ma'i i le mana o le perisitua ma le mana o le faamalologa lea latou te faamoe-moe ia i ai i le usoga e tuuina atu le faauuga ae o le tiutetauave sili atu ua i ai lea i le ua faamanuiaina. . . . O le itu aupito taua lava o le faatuatua o le tagata pe afai e malamalama ma mafai ona tali atu le tagata lava ia. “Ua e ola i lou faatuatua” [Mataio 9:22]sa fetalai soo ai le Matai ma na toetoe lava a avea o se tali o se pese' [“President Kimball Speaks Out on Administration to the Sick,” *New Era*, Oct. 1981, 47]” (“Faamaloloina o e Mamai,” *Ensign* po o le *Liahona*, Me 2010, 49).



Na faamanatu mai foi e Elder Dallin H. Oaks ia i tatou o se vaega taua o le mauaina o le faatuatua o le naunautai e talia le finagalo o le Atua:

A o tatou faaaogaina le mana e le masalomia o le perisitua a le Atua ma a o tatou teufatuina Ana folafolaga o le a faafofoga ma tali mai o la i tatalo faatuatua, e ao ina tatou manatua i taimi uma o le faatuatua ma le mana faamalolo o le perisitua e le mafai ona aumaia ai se taunuuga e ese mai le finagalo o Le ana le perisitua. O lenei mataupu faavae o loo

aoaoina mai i le faaliga lea na faatonuina ai toeaina o le Ekalesia e tuu atu o latou lima i luga o e mamai O le folafolaga a le Alii e faapea 'o le ua faatuatua mai ia te au, *ma ua le tofia e oti*, o le a faamaloloina' MF&F 42:48; faaopoopo le faamamafa). E faapena, i se isi faaliga o ona po nei ua folafola mai le Alii afai 'e ole atu o ia e tusa ma le finagalo o le Atua . . . o le a faia e pei ona ole atu o ia' (MF&F 46:30) [tagai foi i le 1 Ioane 5:14; Helamana 10:5].

“Mai nei mea uma ua tatou iloa ai, e oo lava foi i au-auna ale Alii e faaaogaina Lona mana paia i se tulaga ua i ai se faatuatua tele ina ia faamaloloina, e le mafai ona tuuina atu se faamanuiaga faaleperisitua o le a famaloloina ai se tagata, pe afai o lona faamalologa e le o le finagalo o le Alii.

“I le avea ai ma ni fanau a le Atua, o le iloa o Lona alofa tele ma Lona silafia uma o le mea e sili ona lelei mo lo tatou manuia e faavavau, tatou te faatuatua ai ia te ia. O le uluai mataupu faavae o le talalelei o le faatuatua i le Alii o Iesu Keriso, ma o le faatuatua o lona uiga o le talitonuina. Na ou lagonaina lona talitonuina i se lauga na tuuina atu e lou tausoga i le falelauasiga o se tamaitai talavou o le na maliu i se gasegase tigaina. Sa ia tautalagia upu nei na mua-mua ou tei ai ona faatoa ou malamalama ai lea: 'Ou te iloa o le finagalo lea o le Alii e maliu o ia. Sa lelei lona tausiga faafomai. Sa tuuina atu ia te ia faamanuiaga faaleperisitua. Sa tusia lona igoa i lisi o tatalo i le malumalu. O ia o le autu o le faitau selau o talosaga mo le toe faafoisia mai o lona malosi. Ma ou te iloa ua lava ma toetoe le faatuatua o lenei aiga e faamaloloina ai o ia, vagana ai o le finagalo o le Alii e foi atu o ia i le taimi nei. Na ou lagonaina foi lona talitonuina i upu a se tama o se isi teineitiiti lelei na maliu ona o le kanesa, i lona talavou. Sa ia tautino: 'O le faatuatua o lo matou aiga o loo ia Iesu Keriso, ae e le faalagolago i taunuuga.' E tatagi pea le moni o na aoaoga ia te au. Tatou te faia mea uma tatou te mafaia mo le faamaloloina o se pele, ona tatou faalagolago lea i le Alii mo le taunuuga” (“Faamaloloina o e Mamai,” *Ensign* po o le *Liahona*, Me 2010, 50).

